

453/22 - 381

BOSNA I HERCEGOVINA
FEDERACIJA BiH
ZENIČKO-DOBOJSKI KANTON
GRAD ZENICA

Služba za socijalnu zaštitu, stambene poslove i društvene djelatnosti

Broj: 07-45-12548/22
Zenica: 08.06.2022. godine

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JU „Gradska biblioteka “ za 2021.godinu,
- dostavlja se

Biblioteka je osnovana 1954.godine: Rješenje Narodnog odbora grada Zenice, broj: 782/54, od 15. 01. 1954. godine.

Općina Zenica zadržava pravo osnivača Radne organizacije Narodna biblioteka Zenica koja nastavlja rad pod nazivom Javna biblioteka u Zenici na osnovu Odluke Vijeća Općine Zenica broj: 01-023-46/96. Od 11.07. 1996. godine Biblioteka je upisana u registar ustanova u Kantonalnom sudu u Zenici: Rješenje broj: U/I-1276/97 od 15. 12. 1997. godine.

Biblioteka je 01. 10. 2001. godine, na osnovu Zaključka Načelnika Općine Zenica, broj: 02-40-18766/01 promijenila naziv u Opća biblioteka u Zenici.

Promjena naziva ustanove iz Opća u Gradska biblioteka Zenica, kako bi novi naziv ustanove bio usklađen sa promijenjenim statusom i nazivom Osnivača jer je Općina Zenica proglašena Gradom Zenica, upisana je kod Općinskog suda Zenica, Rješenje broj: 043-0-Reg-18-000386, od 12. 06. 2018. godine.

Uloga Biblioteke kao javne ustanove je: opće obrazovanje, informisanje i zadovoljavanje kulturnih i drugih potreba građana, radi svestranog kulturnog, naučnog i obrazovnog napretka pojedinca i društva u cjelini u skladu sa Zakonom o javnim ustanovama, Zakonom o bibliotečkoj djelatnosti, Pravilima Biblioteke i ostalim važećim propisima.

Biblioteka je organizaciono podjeljena na odjeljenja od čega:

Centralno odjeljenje, u Školskoj ulici broj 6, u sklopu kojeg su: Zbirka beletristike, Zbirka stručne i priručne literature, Zavičajna zbirka, Zbirka knjiga za slijepa i slabovidna lica, Čitaonica sa 80 mjesta i Američki kutak. Zbirka Obaveznog primjerka prvog izdanja bosanskohercegovačke produkcije, koju Biblioteka redovno preuzima od NUBBiH Sarajevo, smještena je na dvije izdvojene lokacije (prostor u BNP Zenica i prostor CZ u Gradskom skloništu);

Dječijem odjeljenju u ulici Branilaca Bosne, površine 64 m²;

Odjeljenju Sarajevska (za djecu i odrasle) u Sarajevskoj ulici, površine 26 m²;

Odjeljenju Crkvice, s čitaonicom (za djecu i odrasle) u naselju Crkvice, površine 82 m²;

Odjeljenju Radakovo, s čitaonicom (za djecu, mlade i odrasle) u ulici Čire Truhelke, površine 100 m².

Zaključkom o davanju u zakup poslovnog prostora na pet godina (broj: 02-45-9601/21 od 21.05.2021.g.) Biblioteci je dat u zakup poslovni prostor u ul. Kočevska Čikma broj 3a, radi otvaranja i stavljanja u funkciju Dječijeg odjeljenja biblioteke. Aktivnosti na opremanju ovog prostora pokrenula je Služba za socijalnu zaštitu, stambene poslove i društvene djelatnosti, a kroz aplikaciju na grant sredstva projekta Pro-Budućnost.

Cijene godišnjih članarina za upis korisnika u Centralnom odjeljenju i Čitaonici iznosila je 15 KM, objedinjena za Čitaonicu i Centralno odjeljenje 20 KM, a u ostalim odjeljenjima po 10 KM. Povlastice pri upisu imala su nezaposlena lica i penzioneri, a povoljnosti su date za porodično i kolektivno učlanjenje. Korisnicima Američkog kutka, radnicima ustanova kulture, medijskih kuća, učenicima prvih razreda osnovne škole i volonterima Biblioteke usluge nisu naplaćivane. Prema evidenciji Službe za rad s korisnicima bibliotečke građe i Zavičajne zbirke, **aktivnih korisnika-članova bilo je 3957, korisnika bez članstva 1074.**

Struktura korisnika usluga:

osnovnoškolci i predškolski uzrast –	45 posto,
srednjoškolci –	16 posto,
studenti -	9 posto,
zaposleni –	17 posto,
penzioneri -	8 posto,
nezaposleni -	5 posto.

Posmatrano po spolnoj strukturi, jedna trećina korisnika je muškog, a dvije trećine ženskog spola.

Prema evidenciji Službe u toku godine stručno je obrađeno (katalogizovano i klasificirano u COBISS bazi podataka) 3.489 novih bibliotečkih jedinica što je skoro duplo u odnosu na prethodnu godinu.

Obnova fonda vršena je na više načina: kupovinom, preuzimanjem obaveznog primjerka štampanog materijala i drugih oblika zapisa prvog primjerka bosanskohercegovačke produkcije iz NUB BiH, vlastitim izdanjima, pojedinačnim poklonima autora, građana i pravnih lica i izdanjima koje za biblioteke otkupljuje Fondacija za bibliotečku djelatnost Sarajevo.

Kupovina je najpoželjniji oblik obnove fonda u svakoj biblioteci jer na taj način, prateći strukturu korisnika i izdavačku djelatnost, Biblioteka može izvršiti planirane popune fondova i udovoljiti željama korisnika. Za kupovinu je ove godine (iz namjenskih sredstava doznačenih od Grada Zenica - 11.250 KM i vlastitih sredstava Biblioteke - 5.922,45 KM) ukupno izdvojeno 17.172,45 KM i nabavljeno 1370 novih bibliotečkih jedinica. Ove godine je potrošeno oko 7.000 KM više za kupovinu knjižne građe i nabavljeno 670 naslova više u odnosu na 2020. godinu. Fond obaveznog primjerka obogaćen je sa 1011 naslova, a značajna obnova fonda bila je i kroz poklonjenu građu – 1023 bibliotečke jedinice.

Osim monografskih publikacija (knjiga), za korisnike čitaonice Centralnog odjeljenja Biblioteke, su godišnjom pretplatom na izdanja nabavljane i serijske publikacije, pet najaktuelnijih naslova novina i časopisa.

Za korisnike službenih novina FBiH i glasnika BiH, prvenstveno zbog nedostatka prostora za smještaj i odlaganje građe, obezbijedena je neophodna oprema (računar i štampač) i pretplata za

aplikaciju - elektronski pregled službenih izdanja. U štampanoj formi obezbjedili smo izdanja Službenih novina ZDK.

Posebno težište aktivnosti Biblioteke i dalje je bilo usmjereno na pojačanu propagandu ukupne djelatnosti Biblioteke, ali se ono 2021. godine, u skladu sa okolnostima i epidemiološkom situacijom, odvijalo kombinovanim modelom: putem internet portala i elektronskih medija (web-stranice Biblioteke, Facebook profila, Youtube kanala, radio, TV...) Biblioteke.

Osim navedenog promoviranja rada Biblioteke, ova godina je bila u znaku vlastite izdavačke djelatnosti. Objavljena su dva izdanja pripremljena do kraja 2020. godine a pripremljena su, štampana i održane promocije i sedam izdanja u 2021. godini:

U svijetu snoviđenja (zbornik radova u povodu devedeset godina od rođenja Vitomira Lukića 1929:2019); Metodologija Maxa Webera, autora Jasenka Karovića; Brod u planini (Izbor iz poezije zeničkih autora); Krici iz dubine, autora Josipa Dujmovića; Dnevnik seobenog lica, autora Šemsudina Gegića; Inkapsulirane duše, autora Nedžada Ibrahimovića; Inkapsulirana tijela, autora Nedžada Ibrahimovića; Ovdje nisam, autora Jaska Borovčevića

Biblioteka je i u 2021. godini poslovala **pozitivno** sa pokazateljima iskazanim u obrascima koji čine sastavni dio završnog računa, i to sa viškom prihoda nad rashodima u iznosu od **19.428,00 KM**.

Tokom 2021.godine u Biblioteci je bio uposlen 21 radnik sa sljedećom strukturom:

STRUČNA SPREMA radnog mjesta	BROJ	SPOL	
		Muški / ženski	
VSS - direktor / bibliotekari / sekretar	12	6	6
SSS - knjižničar	6	-	6
NSS - spremačica, kurir	3	-	3
Ukupno:	21	6	15

Struktura zaposlenih je sljedeća: 12 sa VSS (od kojih je 6 diplomiranih bibliotekara i 2 magistra bibliotekarstva), 6 sa SSS i 3 NK radnika. Radnici sa VSS i SSS položili su odgovarajuće stručne ispite za obavljanje ove djelatnosti. Većina radnika je ženskog spola, njih 15. Prosječna starost zaposlenih je 49 godina.

Članovi Upravnog odbora smatraju da je direktor posvećenošću i profesionalizmom obogatio kulturne sadržaje Grada, a saradnjom sa zajednicom učinio Biblioteku vidljivijom i stoga ga za njegov rad ocjenjuju najvišom ocjenom.

Upravni odbor je do sredine godine radio u sazivu: Zijada Kurtodža, predsjednica, Hana Sokolović, članica i Bernard Harbaš, član.

Rješenjem Gradonačelnika Grada Zenica broj: 02-45-10949/21 od 07.06.2021. godine imenovan je novi saziv Upravnog odbora: Adis Hrnjić, predsjednik, Hana Sokolović, članica i Hedija Jusić, članica. Održano je ukupno pet sjednica.

Finansijsko poslovanje Biblioteke redovno prati resorna služba Kantonalnog ministarstva za finansije ZDK. Biblioteka nema zakonsku obavezu da samostalno angažuje ovlaštenog internog revizora.

Saradnja Službe sa menadžmentom Ustanove je dobra u smislu pristupačnosti, međusobne komunikacije i realizacije osnivačkih obaveza, a nastavljena je saradnja i sa Upravnim odborom Ustanove.

Cijeneći sve navedeno, a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Gradska biblioteka” Zenica za 2021. godinu na razmatranje.

S poštovanjem,

Prilozi:

1. Izvještaj o radu JU „Gradska biblioteka” Zenica za 2021. godinu
2. Bilans stanja na dan 31.12.2021. godine
3. Bilans uspjeha za period 01.01.2021 – 31.12.2021. godine
4. Odluka o usvajanju Izvještaja o radu u 2021. godini
5. Odluka o ocjeni rada direktora u 2021. godini

DOSTAVLJENO:

1 x Naslov

1 x a/a

Šef Odsjeka za društvene djelatnosti

Zijad Imamović



POMOĆNIK GRADONAČELNIKA

Sumea Mujkanović